

Aningaasaqarnermut Ataatsimiititaliap suliaq nr. 01.31.06/08-00370 pillugu marlungornermi ulloq 30. september 2008-mi aalajangiinera pillugu Naalakkersuisunut ilisimatitsineq.

(Naalakkersuisut siulittaasuata ulloq 17. september 2008-mi aalajangiinerani nr. 328 aamma ulloq 28. september 2008-mi aalajangiinerani nr. 336)

Qasigianguani efterskolip suliariumannittussarsiuunneqarnera

Naalakkersuisut **inassutigaat**,

- kontomi pingaarnermi 84.40.18-imi, Atuarfiup illutaanut allanut tunngasumi, suliassamut nr. 110.59.002-mut, Qasigianguani efterskolimut tunngasumut, aningaasaliissutit 11.597.000 kr.-inik amerlineqassasut.

- kontomi pingaarnermi 89.72.11-mi, Nammineq inissianik tapiissutitalimmik sanaartornermut tunngasumi, suliassamut nr. 996.37.056-imut, Nammineq inissianik tapiissutitalimmik sanaartornermut tunngasumut, aningaasaliissutit 2008-mi 11.597.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Paasissutissanik amerlanerusunik Naalakkersuisunit pissarsiniarnissaq siunertaralugu suliama matumani aalajangiinissani Aningaasaqarnermut Ataatsimiititaliap ulloq 21. september 2008-mi kinguartippaa. Naalakkersuisut akissuteqaataat ataatsimiititaliamit ulloq 29. september ualikkut tiguneqarpoq. Tamanna tunngavigalugu ulloq 30. septemberip ingerlanerani suliaq ataatsimiititaliamit naammassillugu suliareqarpoq. Ataatsimiititaliap suliamik taassuminnga ingerlatsinerani apeqqutinut 24-nut, ataatsimiititaliap suliamik aallarniilluni suliaqarnerani Aningaasaqarnermut Ataatsimiititaliamit apeqqutigineqartunut Naalakkersuisut akissuteqaat ataatsimiititaliamit sukumiisumik misissorneqarput. Tassunga atatillugu Attaveqarnermut naalakkersuisuugallartup, Arkalo Abelsenip isumasioqatigalugu ataatsimeeqatiginissaa pisariaqarsimavoq.

Tamatuma kingorna makku ataatsimiititaliamit uparuarumanearput:

1. Tusarniaanermi amigaatit annertuut

Naak Aningaasanut Naalakkersuisoqarfimmit tusarniaanermut akissut minnerpaamik ataaseq **sakkortuumik uparuaanermik** imalik pigineqartoq Kultureqarnermut, Ilinniartitaanermut, Ilisimatusarnermut Ilageeqarnermullu naalakkersuisoqarfimmit (KIIIN) ilisimaneqaraluartoq tusarniaanermut akissutit tamarmik ilanngunneqarsimasut Aningaasaqarnermut Ataatsimiititaliap isummernissaanut tunngavissiami siullermi kukkusumikpiviusunullu toqqaannartumik akerliusumik allassimammat **sakkortunerpaamik uparuartarialittut** Aningaasaqarnermut Ataatsimiititaliamit isigineqarpoq. Tamanna pillugu Aningaasaqarnermut Ataatsimiititaliamut ilisimatitsissuteqarnani tusarniaanermut akissut taanna ilanngunneqassanngitsoq naalakkersuisoqarfiup toqqarpaa. Tamanna pivoq periutsit nalinginnaasut malillugit tusarniaanermut akissut ilanngunneqareersimasutut naak Naalakkersuisoqarfimmit oqaatigineqaraluartoq. Aningaasanut Nunanullu Allanut Naalakkersuisoqarfimmit (ANAN) aammalu Attaveqarnermut, Avatangiisinut Aatsitassanullu Naalakkersuisoqarfimmit (AAN) tusarniaanermut akissutit Aningaasaqarnermut Ataatsimiititaliap isummernissaanut tunngavissiami siullermi ilanngunneqarsimannginnerat KIIIN-ip Aningaasaqarnermut Ataatsimiititaliap isummernissaanut tunngavissiaani iluarsisami 27. september 2008-meersumi ajuusaarutigigaa ataatsimiititaliap maluginiarpaa. Aammattaaq tamatuma kingorna Aningaasaqarnermut Ataatsimiititaliap

apeqqutaanut akissuteqaammini KIIIN-ip pisimasut soqutaangitsut nassuiarniarsarai. Taamaalilluni Naalakkersuisoqarfik ilaatigut ima paasissutissiivoq " *Tusarniaanermut akissut naleqquttuuso-rineqarsimangilaq, maannami Qasigiannuani efterskolimik pilersitsinissaq pillugu Inatsisartut aalajangiinerannik naammassinninnermut tunngatillugu aningaasaler-suinissamut siunnersuuteqartoqarmat*". Tassunga tunngatillugu Aningaasaqarnermut Ataatsimiititaliamit siullermik oqaatigineqassaaq, Kalaallit Nunaanni efterskolimik pilersitsinissamut 33 mio. kr.-inik immikkoortitsinissaq pillugu Inatsisartut aalajangernerat KIIIN-ip Aningaasaqarnermut Ataatsimiititaliamut eqqunngitsumik paasissutissiinissaanut tunngavissiinngimmat! Aningaasaqarnermut Ataatsimiititaliap aappaasaanik oqaatigissavaa, suliامي allatut pisoqaqqinnera pissutigalugu tusarniaanermut akissuteqaat naleqqukkunnaarsimappat soorunami nutaamiktusarniaasoqarsimasariaqaraluarimat. Tamannali nalinginnaasumik isiginninnerinnaavoq, suliarmi piffissap taamaalinerani annertunerusumik pisoqarfiusimangimmat! Assersuutigalugu efterskolimut tunngasuni inatsisitigut tunngavissaqannginneq aammalu allatut aaqqiinissamut periarfissaq pillugit pissutsit tusarniaanermut akissummi tikkuarneqartut atuussimapput sulilu ilaatigut atuullutik! Pingajussaanik Naalakkersuisut Aningaasaqarnermut Ataatsimiititaliamut akissuteqaataat malillugu ilaatigut KIIIN-ip ANAN-illu akornanni arlaleriarluni ataatsimiittoqarsimavoq annertuumillu allaqatigiittoqarsimalluni. ANAN-imit tusarniaanermut inaarutaasumik akissuteqaat tassaaginnarpoq pissutsinik uparuariikkanik sulilu aaqqinneqanngitsunik arlalinnik eqikkaaneq! Taamaakkaluartoq isummernissamut tunngavissiami Aningaasaqarnermut Ataatsimiititaliamut nassiunneqartumi ajornartorsiutit amigaatillu annertuut taakku pillugit allassimasoqanngilaq. **Taamaattumik Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik suliامي tassani ersarissumik piaaraluniiliuuseqarsimavoq.**

Tunngavissat pigineqartut tunngavigalugit ataatsimut isigalugu Aningaasaqarnermut Ataatsimiititaliaq inerniliisariaqarpoq pisimasut akuerineqarsinnaanngitsut aammalu Kultureqarnermut, Ilinniartitaanermut, Ilisimatusarnermut Ilageeqarnermullu naalakkersuisoqarfimmut pakatsinartuusut! Pisut taamaattut akuerineqarsinnaanngilluinnartut siunissami pinngitsoortinniarlugit Naalakkersuisunut ilaasortaq Naalakkersuisullu siulittaasuat ingerlaannartumik suliniuteqaqqullugit ataatsimiititaliap sakkortuumik INASSUTIGISSAVAA!

2. Tusarniaanermut akissutinik nassitsinnginnerit aammalu pisortat ingerlatsineranni maleruagassat malinneqarnerat pillugu uppersarsaatinik amigaateqarneq

Suliamik tusarniaanermut akissutit tamarmik nassiunneqarnissaannik Aningaasaqarnermut Ataatsimiititaliap apeqquteqarnermini qinnuiginnippoq. Ataatsimititaliarli taamaallaat paasitinneqarpoq suliامي atortunut ilaasut tassaasut qarasaasiakkut attaveqatigiinnerit, isummernissamut tunngavissiat iluarsiissutaat, ataatsimiinnerit il.il. Atortussat kissatigineqartut Aningaasaqarnermut Ataatsimiititaliamut nassiunneqannginnerannut akissut imaqanngitsoq tamanna tunngavilersuutigissallugu naammattutut isigineqannguatsiarpoq.

Tassunga atatillugu Nuummi GU pillugu ataatsimiititaliap suliامي 07-231-mi aalajangiinera Aningaasaqarnermut Ataatsimiititaliamit eqqaasitsissutigineqassaaq. Aammattaaq suliامي tassani aningaasaliissutit pillugit suliامي KIIIN-imeersumi torinngitsumik pitsaanngitsumillu piareersarneqartumi tusarniaanermut akissutinik tigusaqarnissanik Aningaasaqarnermut

Ataatsimiititaliap qinnutigaa. Ulloq 2. april 2007-imi ataatsimiititaliaq ima allappoq:

"*Tusarniaanermut akissutit suliamik piareersaanermini Kultureqarnermut, Ilinniartitaanermut, Ilisimatusarnermut Ilageeqarnermullu Pisorta qarfiup Ineqarnermut Attaveqarnermullu Pisorta qarfimmit kiisalu Aningaasaqarnermut Pisorta qarfimmit pissarsiariniarsimaneragaasa nuutinneri 23. marts 2007-imi aalajangiinermini ataatsimiititaliap qinnutigai. Tusarniaanivik ingerlanneqarsimangitsoq pineqartorli tassaannerusoq pisorta qarfiit pineqartut akornanni paasissutissanik annertuunik paarlaasseqatigiissimaneq Naalakkersuisut maanna akissutaannit takuneqarsinnaavoq. Tamannalu tunngavigalugu tusarniaanermut akissutit kissaatigineqartut Naalakkersuisunit nassiunneqarsinnaasimangillat. Tusarniaanermut akissutinik nassiussinissap pisinnaanginnera pissutigalugu suliamut tunngasut pillugit nuutitit suliarineqarsinnaasimappata taakkuninnga Naalakkersuisut nassiussinissaat pitsaasimassagaluartoq Aningaasaqarnermut Ataatsimiititaliamit tikkuarneqassaaq. Sulialli nukinginnaartuunera pissutigalugu atortussat kissaatigineqartut tigunneginnissaat ataatsimiititaliamit akuerineqarpoq. Sulianili taamaattuni ataatsimiititaliap siunissami taama naammagittartigisarnissaa Naalakkersuisunit ilimagineqassanngimmat ataatsimiititaliamit erseqqissarneqassaaq. "*

Naalakkersuisoqarfiup sulianik ingerlatsinermini sulianik ilisimasaqassutsini inatsisinillu naapertuilluarnini uppersarsinnaangimmagu Aningaasaqarnermut Ataatsimiititaliap akuerisinnaangikkaa KIIIN siusinnerusukkut erseqqissumik nalunaarfigineqareerpoq. Taamaattumik Qasigiannuani efterskolimut aningaasaliissutinik amerlanerusunik pisariaqartitsineq pillugu tamakkiisumik takunnissinnaatitaanermut naapertuuttumik suliami atortut nuutinnerinik tamarmiusunik ingerlaannartumiknassitsisoqarnissaa ataatsimiititaliamit piumasarineqarpoq. Suliamit takussutissat tamarmik, tassunga ilanngullugit suliffiup iluani avataanilu ataatsimiinnernit imaqarniliat, allakkiat allaffissornikkut naalakkersuinermillu ingerlatsinikkut atugassat, sulinermi pappialat, siunnersorneqarnermut allakkatigut uppersaaitit, qarasaasiakkut attaveqatigiinnerit il.il. **tamaavimmik** suliami atortut nuutinnerinut tassunga ilanngunneqassapput. KIIIN-ip suliassa qarfiata iluani suiami takussutissat aallaavigalugit allaffissornermik aqutsineq sulianik pitsaasumik ingerlatsinissami periutsit aallaavigalugit ingerlanneqarsimanginnera paasineqarpat suliassa qarfiup iluani akisussaasut atorfeqarnikkut, aningaasaqarnikkut politikikkulluunniit iliuseqarfigineqarnissaat siulertaralugu misissuinerup aallartinneqarnissaa ataatsimiititaliamit piumasarineqarmat ataatsimiititaliamit siumoortumik erseqqissaatigineqassaaq, allakkiornissamut pisussaaffik immikkut isiginiarneqassalluni. Tamatuma kingorna atortut aamma Kukkunersiunerimut Ataatsimiititaliamut tunniunneqassapput, tak. pisortat ingerlatsinerannik kukkunersiuneq pillugu kinguliini allassimasut.

3. Aningaasaliissuteqarnissamik suliassat Aningaasaqarnermut Ataatsimiititaliamut tunniunneqarnissaannut piffissaritinneqartunik malinninnginneq aammalu Aningaasaqarnermut Ataatsimiititaliap sulineranik ataqqinninnginneq

Qasigiannuani efterskoli ulloq 7. augustimi suliariumannittussarsiorneqarpoq. Ilassutitulli aningaasaliissuteqarnissamik suliaq atsaat ulloq 18. september 2008-mi Aningaasaqarnermut Ataatsimiititaliamut nassiunneqarpoq. Suliaq taanna pilertortumik suliarineqaqqullugu nassiunneqarpoq. Taamaakkaluartooq suliap nalilernerneqarnissaanut naammaginartumik tunngavissaqarniarluni ataatsimiititaliaq allakkatigut 24-nik apeqquteqartariaqarsimavoq aammalu Attaveqarnermut Ineqarnermullu Naalakkersuisoq isumasioqatigalugu

ataatsimeeqatigisariaqarsimallugu.

Ataatsimut isigalugu Inatsisartut Aningaasaqarnermut Ataatsimiititaliaata suliami matumani isumaliutigilluakkamik tunngavilersorluakkamillu aalajangiinissaminut naammaginantumik sulianullu attuumassuteqartumik pisariaqartitaannut Naalakkersuisut pissusilersornermikkut ataqqinninngissimasut paasinninngissimasullu Aningaasaqarnermut Ataatsimiititaliaq isumaqarpoq.

Periuseq tamanna **naammaginangitsorujussuartut Naalakkersusunullu pakatsinartuusoq** Aningaasaqarnermut Ataatsimiititaliaq isumaqarpoq.

4. Suliap naalakkersuinermik ingerlataqartunit qulaajarneqannginera aningaasaliissutitigullu periarfissaq

Suliami aningaasaliissutit allanngortinneqarnissaannik qinnutigineqartut Attaveqarnermut, Ineqarnermut Aatsitassanullu Naalakkersuisoqarfimmut attuumassuteqarput. Taamaakkaluartoq naalakkersuisut isummernissaannut tunngavissiamik KIIN atsiortutut allassimavoq. Aningaasaliissutinut nalinginnaasumik periutsinik taamatut avaqqutsinermit nassuiaammik iluatsinngitsumik Aningaasaqarnermut Ataatsimiititaliaq ujartuigaluarpoq. "Naalakkersuisunut ilaasortat susasaqartut" Naalakkersuisut taagugaannik tusarniaareernerup kingorna taamatut avaqqutsineq naalakkersuisut siulittaasuata suliniuteqarneratigut pisimasoq inerniliunneqarsinnaasorinarpoq. Naalakkersuisunut ilaasortat ilaat "attuumassuteqartuunnginnerat" Aningaasaqarnermut Ataatsimiititaliamit ilisimaneqanngilaq, taamaattumik paasissutissaq saqqummiunneqartoq ataatsimiititaliamut paasinninnerulersitsinngilaq.

Naalakkersuisoqarfiup allap suliassaqarfiata iluani aningaasaliissutinik nuussinissamik qinnuteqaat ataatsimiititaliap suliamik suliarinninnerani arlalinnik ajornartorsiuteqartitsivoq.

Taamaalilluni Savissivimmut inissianik 20-nik tunniussinissaq Naalakkersuisut sulissutigigaat Aningaasaqarnermut Ataatsimiititaliap apeqqutaanut nr. 11-mut Naalakkersuisut akissuteqaataanni allassimavoq. Aningaasaqarnermut Ataatsimiititaliamut akissuteqaammi tamatuma akia 30 mio. kr.-it missaannut tagginneqarpoq. Illunut taakkununga aningaasat efterskolimut ilassutitut aningaasaliissutip kontoanit pingaarnermit tiguneqarnissaat pilersaarutigineqarpoq. Suliniutit taakku tamarmik akit oqaatigineqartut atorlugit ingerlanneqassappata kontomi pingaarnermi aningaasat naammannaviangillat, taamaalillutillu minusinngussallutik! Suliap Naalakkersuisunit naammaginantumik piareersarneqarsimannginneranut tamanna qularutissaanngitsumik uppernarsaataavoq. Tamatuma saniatigut Savissivimmi sanaartornermik suliaq paasissutissaavoq pingaarutilerujussuaq, Aningaasaqarnermut Ataatsimiititaliamut isummernissamut tunngavissiamut siullermut pinngitsooranilanngunneqarsimasussaagaluq. Aningaasaliissutinik nuussinissamik Naalakkersuisut kissaataata tatiginassusianut paasissutissanik qulalertitsinnaasunik Aningaasaqarnermut Ataatsimiititaliamut saqqummiussinissartik Naalakkersuisut kissaatigisimanngikkaat ataatsimiititaliamit oqaatigiinnarneqarsinnaavoq.

Tamanna tunngavigalugu Attaveqarnermut, Avatangiisinut Aatsitassanullu Naalakkersuisuugallartup kiisalu Kultureqarnermut, Ilinniartitaanermit, Ilisimatusarnermut Ilageeqarnermullu Naalakkersuisup isumasioqatigiilluni ataatsimeeqatiginissaannut aggersarneqarnissaat ataatsimiititaliamit kissaatigineqarpoq. Naalakkersuisunut ilaasortaq

kingulliullugu taaneqartoq paasissutissiissutigineqanngitsumik pissuteqartumik Inatsisartut isumaqatigiinniarnerni peqataangilaq, taamaattumik Attaveqarnermut, Avatangiisinut Aatsitassanullu Naalakkersusuugallartoq isumasioqatigiilluni ataatsimeeqatigiinnissamut kisiat ataatsimiititaliamit aggersarneqarluni.

Savissivimmi sanaartorneq Naalakkersuisut Aningaasaqarnermut Ataatsimiititaliamut akissuteqaataanni allassimasutut 30 mio. kr.-inik akeqarnani taamaallaat 20 mio. kr.-inik akeqassasoq Isumasioqatigiilluni ataatsimeeqatigiinnermi Attaveqarnermut, Avatangiisinut Aatsitassanullu Naalakkersuisuugallartup Arkalo Abelsenip paasissutissiissutigaa. Assigiingissuseq tamanna Naalakkersuisunut ilaasortap nassuiaateqarfiginngilaa. Qulaajaanermi amigaat tamanna aningaasaliissuteqarnissamik Aningaasaqarnermut Ataatsimiititaliap qinnuteqaammut tunngavigisaata ilassaraa pingaarutilik.

KIIIN-ip suliassa qarfiata avataatigut aningaasaliissutinik nuussinissamik qinnuteqaat Attaveqarnermut, Avatangiisinut Aatsitassanullu Naalakkersuisoq isumaqatigalugu pisoq Aningaasaqarnermut Ataatsimiititaliap apeqqutaanut Naalakkersuisut akissuteqaataanni paasissutissiissutigineqarpoq. Aningasaqarnermut Ataatsimiititaliap oqaatigiinnarsinnaavaa taamatut paasinineq suliamik ingerlatsineq Naalakkersuisut siulittaasuata akuersissuteqarneratigut aallartinneqarsimagunartoq torinngitsuusoq pitaanngitsumillu ataqatigiissaarneqarsimasoq. **Tamanna Aningaasaqarnermut Ataatsimiititaliamit naammagineqanngilluinnarpoq.**

Taamaattumik Naalakkersuisoqarfii allat iluini aningaasaliissutinik allannguinnissamik Naalakkersuisoqarfik, naalakkersuisoqarfimmut qinnuteqaammik pineqartumut attuumassuteqanngitsoq qinnuteqartillugu aningaasaliissuteqarnissamik suliassat ataatsimiititaliamit **suliarineqartannginnissaat** aningaasaliissuteqarnissamik qinnuteqaatit pillugit iluserititassatut Aningaasaqarnermut Ataatsimiititaliap piunasaqaataani siunissami ilaatinneqassaaq. Taamaakkaluartoq suliat taamaattut nassiunneqarpata taakku ingerlaannaq Naalakkersuisunut utertinneqassapput.

5. Ilassutitut aningaasaliissutinik akuersissuteqarnissamut periarfissat pillugit nassuiaatit naliliinerillu amigaatigineqarnerat

Qasigiannuani efterskolimut ilassutitut aningaasaliissuteqarnissamut taarsiullugu allanik periarfissaqarmat Aningaasaqarnermut Ataatsimiititaliap apeqqutaatigut qularutissaanngitsumik qulaajaasoqarpoq. Taamaalluni Aningaasaqarnermut Ataatsimiititaliap apeqqutaa aqutigalugu ersarissarneqarpoq Qaqortumi Sisimiunilu efterskoliugallartut ukiumit atuarfiusumit 2008/2009-mit efterskolimi inissanik 60 aamma 70-inik neqerooruteqarsinnaassasut. Assersuutitut taaneqarsinnaavoq Qasigiannuani efterskomi inissat 80-iunissaat naatsorsuutigineqarmat. Periarfissanut taakkununga marlunnut atatillugu katillugit immaqaa 5-10 mio. kr.-it atorlugit annikinnerusumik iluarsaasoqartariaqarpoq (piunasaqaataanili). Assersuutitut taaneqarsinnaavoq Qasigiannuani efterskolip sananeqarnissaa ilassutitut aningaasaliissutit ilanngullugit 45 mio. kr.-inik akeqarmat.

Toqqagassat taakku misissorneqarsimassagaluarput aammalu Aningaasaqarnermut Ataatsimiititaliap isummernissaanut tunngavissiami nassuiaatigineqarsimassagaluarlutik! Nunatta karsiata aningaasaataanik ileqqorissaartumik piviusorsioortumillu tunngaveqarluni atuinissamik piunasaqaammut Kultureqarnermut, Ilinniartitaanermut, Ilisimatusarnermut Ilageeqarnermullu

Naalackersuisoqarfiup ataqqinninnginnera taamatut pisoqarsimanninngeranut takussutissaanngaavoq. **Tamanna pakatsinartorujussuartut Aningaasaqarnermut Ataatsimiititaliamit isigineqarpoq!**

6. 2009-mi aningaasanut inatsisissatut siunnersuummik Inatsisartut suliaqarnerannut ataqqinninnginneq

Efterskolimut tunngasuni peqqussut nutaaq aallaavigalugu aningaasanut inatsisissatut siunnersuummi kontomi pingaarnermi 40.01.08-mi aamma 40.10.12-imi aningaasanik immikkoortitsisoqarnissaa Kultureqarnermut, Ilinniartitaanermut, Iisimatusarnermut Ilageeqarnermullu Naalackersuisoqarfiup qulakkeereersimagaa Aningaasaqarnermut Ataatsimiititaliap apeqquteqaataa aallaavigalugu qulaajarneqarpoq. Aningaasat taakkuk ingerlatsinermut atuartullu angalanerinut tapiissutinut immikkoortinneqarsimasorinarput. Inatsisit peqqussutillu akuersissutigineqanngitsut aallaavigalugit aningaasanut inatsisissatut siunnersuummi aningaasanik, aningaasat taakku sillimmatitigut takussutissiakkulluunniit Inatsisartunut erseqqissumik takussutissiarineqarsimanatik, immikkoortitsisoqartarnera Inatsisartunut ataqqinninnginnermik takutitsinerusoq ukiuni arlalinni Aningaasaqarnermut Ataatsimiititaliamit arlaleriarlugu uparuarneqartarpoq. Matumani pineqartumi tamanna pisimangilaq.

Taamaattumik UKA 2008-mi efterskolinut peqqussummik nutaamik Inatsisartut akuersissuteqaassanngippata aningaasat taakku aningaasanut inatsisissatut siunnersuummit peerneqartariaqarput.

Tamatuma saniatigut aningaasaqarnermut inatsisip piviusunngortinneqarneratigut aningaasalersuutissat pisariaqartut KIIN-imit immikkoortinneqareermata Aningaasaqarnermut Ataatsimiititaliap Aningaasanut Naalackersuisoqarfimmut eqqaasitsissutigissavaa. Taamaalluni siunertamut tassunga aningaasanut inatsimmi aningaasanik allanik immikkoortitsisoqarsinnaanngilaq.

7. Kalaallit Nunaanni efterskolinik ataavartunik allanik pilersitsineq

Kalaallit Nunaanni efterskolinik ataavartunik allanik pilersitsinissamat pilersaarutit KIIN-ip suliarigai Naalackersuisut Aningaasaqarnermut Ataatsimiititaliamut akissuteqaataanni allassimavoq. Pilersaarutit taakku naalackersuinnermik ingerlatsinikkut suli akuersissutigineqanngimmat a Aningaasaqarnermut Ataatsimiititaliap oqaatigissavaa. Qasigiannuani efterskolip ataatsip sananeqarnissaa Inatsisartunit akuersissutigineqareerpoq. Taamaakkaluortoq suliassaqarfimmi annertusaaqqittoqannginnerani Qasigiannuani efterskoli nalilerneqartariaqarpoq.

Taamaattumik efterkolimut tunngasuni annertusaaqqilluni suliat unitseqqullugit ataatsimiitit aliap KIIN qinnuigissavaa. Naalackersuisoqarfimmi suliassanik allanik nukingiussassaannerusunik peqartoq ataatsimiititaliaq isumaqarpoq, tak. matumani aalajangiineq!

8. Ikinerussuteqarluni oqaaseqaat

Qasigiannuani efterskolip aningaasalersorneqarnera pillugu ikinerussuteqartut Demokraatineersut oqaaseqaataat.

Suliap taamatut ingerlasimanera Demokraatit ajusaarutigaat, tassami aningaasaliissuteqarnis sanik suliat nalinginnaasumik ingerlaasiat ingerlasariaqarnerallu Inatsisartuni amerlanerussuteqartut avaqqunniarsarisimammassuk.

Kalaallit Nunaanni efterskolimik ataavartumik pilersitsinissaq, assersuutigalugulu taassuma Qasigiannuanut inissinneqarsinnaanera Demokratinit taperserneqarmat tamanit naluneqanngilaq.

Naalakkersuisunit aningaasaliissuteqarnissamik qinnuteqaatip matuma suliarineqarnerani efterskolip taassuma aningaasalersorneqarnissaa pillugu nikittaattunik assigiinngitsorujussuarnillu Naalakkersuisut oqaaseqaateqartarput. Demokratit tamanna toqqissisimanarinngilaat, kontomilu pingaarnermi pineqartumi tulleriaarilluni pingaarnersiuisoqarnersoq suli paasinngilarput.

Suliap matuma suliarineqarnerani nunatsinni inatsisit malinneqarnissaat Demokratinit pingaartinneqarsimavoq, taamatullu pisoqarsimasorinngilarput. Demokratit isumaat malillugu Missingersuusionermut inatsit aammalu Inatsisartut 2008-mut aningaasanut inatsisaat malinneqanngillat imaluunniit unioqqutitsinissamut ulorianartorsiortoqarsimalluni, naak pinngitsoorneqarsimasinnaanera naluneqanngikkaluartoq.

Taamaattumik Kalaallit Nunaanni efterskoli ataavartoq pillugu aalajangiineq aningaasaliiss utillu ukiup tullianut kinguartinneqassasut Demokratit isumaqarput. Taamaalilluni aalajangii neq 2009-mi sanaartornermut aningaasanik tulleriiarilluni pingaarnersiuiernerut tamarmiusunut ilanngunneqarsinnaassagaluarpat. Tamatumunnga peqatigitillugu Missingersuusionermut inatsisip aammalu Inatsisartut 2008-mut 2009-mullu aningaasanut inatsisaasa malinneqarnissaat qulakkeerneqarsimassagaluarpoq.

Aammattaaq Demokratit oqaatigerusuppaat suliariumannittussarsionerup ingerlanneqarsimasup itigartinneqarnissaa Naalakkersuisut namminneq siunnersortaasa kaammattuutigisimammassuk Aammattaaq Qasigiannuani efterskolimik pilersitsiniarnermi allanik arlalinnik toqqagassaqaarsimammatt Demokratinit erseqqissaaatigerusunneqarpoq. Tassalu Kangerlussuarmi efterskolimik pilersitsisoqarsimasinnaagaluarpoq imaluunniit Qaqortumi, Sisimiuni Maniitsumilu efterskoliugallartut ingerlatiinnarneqarsimasinnaagaluarlutik. Taamaalilluni tassanngaannartumik pisariaqartitsisoqalersimassanngikkaluarpog, suliarlu matumani pineqartoq nukingiussassatut isineqarsimassanngikkaluarluni .

Taamaalilluni tamanit nalunnginneqartariaqaralarpoq Naalakkersuisut inassuteqaataannut Demokratit itigartitsinerat tassaanngimmat Qasigiannuani efterskolimik ataavartumik pilersitsinissamut itigartitsineq, tassaaginnarlunili suliap ingerlanneqarnerani periaatsimik aningaasalersuinerullu ersarissumik inissisimanngineranik isorinninneq.

Taamatut oqaaseqarlutik Naalakkersuisut inassuteqaataat akuersissutigineqassanngitsoq Demokratit inassutigaat.

9. Qasigiannuani efterskolimik suliap kingunerisassai & Kukkuersiuiernermit Ataatsimiititaliamik qinnuiginninneq

Qasigiannuani aningaasaliissuteqarnissamik qinnuteqaatip ingerlanera tamarmi assut aarlerinartoqartoq Aningaasaqarnermut Ataatsimiititaliaq isumaqarpoq. Kisitsisit naatsorsuutillu Naalakkersuisunit saqqummiunneqartut aalajangersimasumik siunertaqarsimanngikkunik imminnut assortuupput. Paasissutissat pingaarutillit ataatsimiititaliamut anngunneqanngillat. Naalakkersuisut iluminni qulaajaanerat suliamillu piareersaanerat torinngissimavoq.

Tamanna aarlerinartutut Aningaasaqarnermut Ataatsimiititaliamit isumaqatigiittumitisigineqarpoq. Taamaattumik suliaq tamarmi qulaajarlugu aallartinneqassasoq ataatsimiititaliamit kissaatigineqarpoq. Tamanna naalakkersuisoqarfimmik, ajornartorsiummi qitiusoqarfimmik,

tassalu Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfimmik aallaaveqartumik qulaajaaneq aallaaveqartariaqarpoq. Taamaattumik Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfiup pisortat ingerlatsinerannik tamakkiisumik sukumiisumillu kukkunerisiuivigineratigut qulaajaaneq tamanna ingerlateqqullugu Aningaasaqarnermut Ataatsimiititaliap Inatsisartut Kukkunerisiuinerumut Ataatsimiititaliaq qinnuigissavaa. Aqutsisoqarfimmut naapertuuttumik aaqqissuussinikkut sipaaruteqarnikkullu piumasaqaatit sorliit atuunnissaannut nalinginnaasumik ileqqunut naalakkersuisoqarfiup iliususai naapertuuttuunersut pillugu misilittaanissaq pisortat ingerlatsineranni kukkunerisiuinerup siunertaraa. Taamaalilluni pisortat ingerlatsineranni kukkunerisiuinermi makku naliliivigineqassapput:

Aqutsivimmi sipaaruteqarneq. Ingerlatat aningaasaqarnikkut sapinngisamik isumatusaarneq malillugu ingerlanneqarsimappat?

Suliaqarsinnaassuseq. Nukissat atorneqarnerisa suliaqarnerullu akornanni naammaginartumik inissisimasoqarpa, nukissanillu atuneq eqqarsaatigalugu anguniakkat anguneqarsimappat? Inatsisinik naapertuineq. Suleriaatsit tulluurtuuppat, aammalu naalakkersuisoqarfiup suliaasa inatsisinut naapertuuttuunnissaannut sulianillu ilisimanninnissamut maleruagassat periutsillu atuuttut qulakkeerisuuppat?

Tamatuma saniatigut naalakkersuisoqarfiup aningaasaliissuteqarnissamik sulianik aqutsinerani piareersaaneranilu periutsit pisortat ingerlatsinerannik kukkunerisiuinermi immikkut naliliivigineqartariaqarput . Tassunga ilanngullugu Missingersuusionermut inatsisip inatsisitigullu qitiusumik aalajangersakkat allat malinneqarnissaat qanoq qulakkeerneqarnerisooq misissorneqassaaq.

Qasigianguani efterskoli pillugu aningaasaliissuteqarnissamik suliap aquneqarnera eqqarsaatigalugu pissutsit tamakku nalinginnaasumik aalajanersimasumillu misissorneqartariaqartut Aningaasaqarnermut Ataatsimiititaliaq isumaqarpoq. Taamaalilluni misissuinerit ataatsimut marluk, imminnullu attuumassuteqanngitsut ingerlanneqarnissaat kissaatigineqarpoq .

Pisortat ingerlatsinerannik kukkunerisiuinermik killilersuinerup aqutsinerullu annertusineqaqqinnissaat Kukkunerisiuinerumut Ataatsimiititaliap suliassaqarfimmi tassani immikkut oqartussaaffeqarnera eqqarsaatigalugu tassani pisussatut Aningaasaqarnermut Ataatsimiititaliap nalequttutut isigaa. Pisortat ingerlatsinerannik kukkunerisiuinerup immikkoortua aalajangersimasooq ullumikkumit sapaatip akunneri marluk-pingasut ingerlaneranni ingerlanneqartariaqartoq Aningaasaqarnermut Ataatsimiititaliaq isumaqarpoq. Pisortat ingerlatsinerannik kukkunerisiuinerup immikkoortua nalinginnaasooq qaammatisiutit ukiuanni matumani ingerlanneqarsinnaasutut isigineqarpoq.

Aningaasaqarnermut Ataatsimiititaliap allajangiineri

1. Apeqqummi 2-mi suliami atortut nuutinnerat taaneqartoq aalajangiinerup matuma tiguneqarneranit kingusinnerpaamik akunnerit 48-t iluanni Aningaasaqarnermut Ataatsimiititaliap allattoqarfianut tunniunneqassaaq. Piffissap tunniussivissatut aalajangersarneqartup iluani naatsorsuutigisaraluaamit taamatut tunniussisoqanngippat aningaasaliissuteqarnissamik suliaq matumani pineqartoq Aningaasaqarnermut Ataatsimiititaliami nutaamik aalajangiivigineqassaaq.

2. Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq aammalu Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfiup suliamik ingerlatsinera Aningaasaqarnermut Ataatsimiitita liamit isumaqatigiittumit sakkortuumik uparuarneqarput.

3. Aningaasaqarnermut Ataatsimiititaliami amerlanerussuteqartut, Siumumit, Atassummit Inuit Ataqatigiinniillu sinniisuutitat Naalakkersuisunit inassuteqaatit akuersissutigaat.

4. Kiisalu Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik qulaajarlugu, tassunga ilanngullugu pisortat ingerlatsineranni kukkumersuineqaallarteqqullugu Inatsisartut Kukkumersuinermut Ataatsimiititaliaa Aningaasaqarnermut Ataatsimiititaliamit qinnuigineqarpoq.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua